

Namminersorlutik Oqartussat

Grønlands Selvstyre

Akileraartarnermut Aqutsisoqarfik

Skattestyrelsen

**Akeqanngitsumik biileqartitsinerup akileraarutitigut suliarineqartarnera pillugu kaajallaasitaq
nr. 1, 19. januar 2026-meersoq.**

Aallarniutigalugu oqaaseqaatit

Kaajallaasitami uani akeqanngitsumik biileqartitsinerup akileraarutitigut suliarineqartarneranut Akileraartarnermut Aqutsisoqarfiup suleriaasia pillugu paasissutissiisoqarnissaa siunertaavoq.

Akeqanngitsumik biileqartitsisarnerup akileraarusigaanera Inatsisartut inatsisaanni nr. 12, 2. november 2006-meersumi, kingusinnerusukkut allangortinneqartumi, § 19-imik tunngaveqarluni pisarpoq.

Akeqanngitsumik biileqartitsinerup akileraarusigaanerani Akileraartarnermut Aqutsisoqarfimmi pingaarnertut tunngavigineqartut tassaapput:

- Sulisoq atorfimminnut atatillugu imaluunniit nammineq sulinerminut tunniussassat pillugit isumaqatigiisummut atatillugu biilik nammineq atugassamik tunineqarsimappat akeqanngitsumik biileqartitsineq ullormut naatsorsuiffigineqassaaq.
- Akeqanngitsumik biileqartitsineq biilip pisiarinerani akigitinneqartoq, qanorpiarlu biili atorneqartigisimanersoq, apeqqutaatinnagit assigiimmik akileraaruserneqassaaq. Atuinerpiaq akileraarusernagu qamutimik motoorilimmik atugassiineq kisimi akileraaruserneqartussaavoq.
- Atugassiineq biilik atuisarnissamik periarfissatut paasineqassaaq. Ingerlaarnerpiaq akileraarusernagu, akerlianilli biilip ulluni qassini sulisumit atussallugu periarfissaasimanersoq akileraaruserneqartussaavoq.
- Akeqanngitsumik biileqartitsineq aningaasarsiatut A-tut akileraaruserneqassaaq. Akeqanngitsumik biileqartitsinerup nalinganik qaammammut nassuiaasiornerit ukiumullu akissarsiat allagartaat ilaatillugit nalunaaruteqartarnissamik sulisitsisoq pisussaaffeqarpoq. Akileraarutitik A-nik akileraartitsinikkut akeqanngitsumik biileqartitsinerup nalinganut akileraartitsinissamik sulisitsisoq pisussaaffeqarpoq.
- Akeqanngitsumik biileqartitsineq akigititat assigiinngitsut pingasut malillugit akileraaruserneqarpoq. Akigititami illoqarfimmi biilip atugassiiffigisaani aqqusineq qanoq takitiginersoq apeqqutaassaaq.
- Qamutit motoorillit assigiinngitsut ilaannut akigititaq annikillisaavoq imaluunniit akeqanngitsumik biileqartitsinermi akileraartussaataasooqarnani.
- Akeqanngitsumik biileqartitsinerup akileraarutitigut nalinganut akigititaq akigititanut ukiumoortumik naleqqussaasarnermut procenti atorlugu iluarsiiqqineqartarpoq. Massakkut akigitinneqartut

Akileraartarnermut Aqutsisoqarfiup nittartagaani AKA.gl - 'nalunaarutit' nassaassaapput.

Immikkoortoq siulianiittoq akeqanngitsumik biileqartitsinerup akileraarusernarnissaanut tunngatillugu tamakkiisuunngilaq. Inatsisit atuuttut ilanngussaq 2-mi ilanngunneqarput.

Nalunaarutigineqartut qanoq isillugit nalunaarutigineqartarnerannut paasisaqarusukkuit saqqummersitaq 'Kalaallit Nunaanni Akileraarusiisarneq' aamma ilitsersuut sulisitsisunut nalunaarsuiffimmiittoq nittartagaq sulinal@nanoq.gl innersuussutigissavarput.

Imarisai

Imarisai

1. Biilip nammineq atortarnerata akeqanngitsumik atugassiissutaanera	3
1.2 Nalimik angissusiliinissamut pingaarnertut tunngavigineqartut.....	4
1.2.1 Sannavinni angallassissutit allatullu qamutit motoorillit immikkut ittut	5
1.2.2 Sannavinni angallassissutit allatullu immikkut qamutit motoorillit sulisumit angerlarsimaffiup suliffiullu akornanniinnaq angallassinermut atorneqartut	6
1.2.3 Biilit usisaatit allallu	7
1.2.4 Taxa	7
1.3 Akeqanngitsumik biileqartitsineq - ukiup aningaasarsiorfiusup ilaani atugassiisarneq	8
1.4 Pingaarnertut malittarisassamut immikkut malittarisassat - aggersarneqarluni pigaartuuneq	9
1.5 Nammineerluni akiliuteqartarneq	11
2. Kalaallit Nunaata avataani akeqanngitsumik biilini atugassiisarnep akileraaruserneqarnera.....	13
3. Sulisitsisup pisussaaffii	13
4. Namminersorluni inuussutissarsiutilik	14
5. Biilimik nammineq pigisamik sulisitsisup sullinnerani atuisarneq	14
Ilanngussaq 1 - Takussutissianut tabeli	16
Ilanngussaq 2 - § 19	18

1. Biilip nammineq atortarnerata akeqanngitsumik atugassiissutaanera

Aningaasarsianit akileraarutit pillugit inatsimmi § 19 biilimik atugassiisarnep akileraaruserneranut tunngassutegarpog.

Atorfeqartitaanermut atatillugu sulisitsisoq sulisumut biilimik nammineq atugassamik atugassanngortitsippat sulisorlu tamatumunnga akiliutigineqartussamik tamakkiisumik akiliuteqartinneqanngippat biili akilernerqartussaangitsoq matumani pineqartussaavog. Biilip nalinga sulisup aningaasarsiaasa akileraaruteqaataasussat naatsorsorneranni naatsorsuutitut ilanngunneqassaaq. Tamanna aamma atuupog inunnut siulersuisuni, ataatsimiititaliani, kommissionini, siunnersuisooqatigiinni, immikkut qinikkani allatulluunniit ataatsimoorfiusuni, soorlu Naalakkersuisuni, Inatsisartuni kommunalbestyrelsinilu, qinerneqarsimasunut.

Akeqanngitsumik biileqartitsinerup nalinga ukioq aningaasarsiorfiusog 2023 aallarnerfigalugu aningaasarsiatut A-tut akileraaruserneqassaaq, takuuk aningaasarsianit akileraarutit pillugit inatsimmi § 75, imm. 1, nr. 4.

Biilip qanog nammineq atugassatut atorfeqartarneranut aalajangiiniarnermi sulisup suliffiup avataani biilimik atuisinnaanera aallaavigineqassaaq, soorlu suliffiup angerlarsimaffiullu akornanni atortarneranut tunngatillugu. Taamaattoqarsimappat matumani akeqanngitsumik biileqartitsineq pineqartussaavog, tassami angerlarsimaffiup suliffiullu akornanni atuneq nammineerluni atuinertut isigineqarpog. Suliffiup angerlarsimaffiullu akornanni ungasissuseq apeqqutaanngilaq, soorluttaarlu assersuutigalugu aserorterinissat assigisaallu pinngitsoortinniarlugit sulisitsisup sulisumut biilimik angerlaassisarnissamik peqqusinera apeqqutaanavianngitsoq.

Sulisog atorfeqartitaanermut atatillugu akeqanngitsumik biileqartinneqarsimappat biilip pissarsiarinerata aamma ingerlatsinermut aserfallatsaaliuinernullu aningaasartuutit ingerlaavartut akilernissaannut sulisitsisoq akisussaassaaq. Biilip atugassiissutigineqarneranut imaluunniit biilimut aningaasartuutit ilaannik sulisog akiliuteqarsimappat tamanna akileraarusiinissamut tunngavimmi ilanngaatigineqassaaq, tamanna pillugu takuuk immikkoortoq 1.5.

Sulisitsisup biilimik piginnittuunera, attartortuunera imaluunniit pissarsialugu atuisimanera apeqqutaatinnagit akeqanngitsumik biileqartitsineq matumani pineqarpog.

1.2 Nalimik angissusiliinissamut pingaarnertut tunngavigineqartut

Akeqanngitsumik biileqartitsinermut akigititani biilip atugassiissutigineqartup nunatsinni sumiinnera apeqqu-taasussaavoq. Inoqarfimmi aqquuserngup takissusaa akeqanngitsumik biileqartitsinerup nalissaanut ukiumoor-tumik akigititamut aalajangiisussaavoq. Inoqarfinnut allattuiffimmi tullinnguuttumi ilaangitsunut tunngatillugu akeqanngitsumik biileqartitsineq aallaaviatigut akileraartinneqarneq ajorpoq.

Tabel 1: Inoqarfiit taakkunungalu ukiumoortumik akigititat

Aqquuserngup takissusaa	Inoqarfiit	Akigititat (2022-mi qaffasissuseq)	Akigititat 2026 (Akigititanut naleqqussakkat)
75.000 m2-it sinnerlugit takissusillit	Aasiaat Ilulissat Narsaq Nuuk Qaqortoq Sisimiut	70.000 kr.	76.588 kr. / ukioq 6.382 kr. / qaammammut
25.000 m2-t qaangerlugu takissusillit, kisianni 75.000 m2-inik naannerusut.	Maniitsoq Nanortalik Paamiut Qasigiannguit Qeqertarsuaq Tasiilaq Upernavik Uummannaq	35.000 kr,-t	38.293 kr,-t / ukioq 3.191 kr,-t / qaammammut
25.000 m2-inik naannerusut	Ittoqqortoormiit Kangaatsiaq Qaanaaq	17.000 kr.	19.146 kr. / ukioq 1.596 kr. / qaammammut

Akigitinneqartut aningaasarsianit akileraarutit pillugit inatsimmi § 19 c malillugu akigititanut naleqqussaasarnermut procenti atorlugu ukiumoortumik iluarsiiqqineqartarput uanilu nassaarineqarsinnaallutik: Akileraartarnermut Aqutsisoqarfiup nittartagaani; www.AKA.gl.

Illoqarfimmi aqquuserngup takissusaa ukiup aningaasarsianut akileraarfiusussap ingerlanerani takinerulersinniarneqarsimappat imaluunniit naannerulersinneqarsimappat ukiumoortumik akigitinneqartoq ukioq aningaasarsiorfiusup tulluip aallartinneraniit aatsaat allanngortinneqassaaq.

Sulisoq ukiup aningaasarsiorfiusup ingerlanerani illoqarfiit marluk akornanni nuussimassappat, taamaasillunilu illoqarfinni arlalinni biilimik akeqanngitsumik atugassinneqarsimappat, biilip illoqarfinni taakkunani marlunni atugassiisutaanerani ullut amerlassusaat aallaavigalugit aningaasat akileraaruteqaataasussat tamarmiusut naatsorsuiffigineqassapput.

Assersuut: Sulisoq akeqanngitsumik biileqartitaasoq ullormi 1. maj 2026 Nuummiit Maniitsumut nuuppoq. Sulisoq Nuummi akeqanngitsumik biileqartitaatillugu akigititaq ukiumut 76.588 kr.-niussaaq imaluunniit qaammammut 6.382 kr.-niussaaq. Sulisoq 1. maj 2026 aallarnerfigalugu Maniitsumi akeqanngitsumik biileqartitaasimappat ukiumut akigitaasut 38.293 kr.-nit imaluunniit qaammammut akigitaasut 3.191 kr.-nit aallaavigalugit sulisitsisoq nalunaaruteqassaaq. Akigititat sulisitsisumit qaammammut nalunaaruteqarnermi nalunaarutigineqassapput.

Sulisup imaluunniit taassuma inoqutigiivi nammineerlutik ataatsimik arlalinnilluunniit biileqarnersut akigititap ukiumoortumik akileraaruteqaataasussap naatsorsuiffiginerani apeqqutaanavianngilaq. Inoqutigiinni pineqartuni akileraarutinit akiliisartut arlallit sulisitsisuminniit biilimik akeqanngitsumik atugassinneqarsimappata akileraartartut immikkut ukiumoortumik akigititaq atorlugu akileraartinneqassapput.

Sulisoq biilimut sulisitsisumit atugassiissutaasumut immikkut akileraartinneqassaaq.

1.2.1 Sannavinni angallassissutit allatullu qamutit motorillit immikkut ittut

Nassuiaatit

Sannavinni angallassissutit biilitut karsiusatut aalajangersukkanik ilisivilittut kiisalu aalajangersukkanik sannatilittut aaqqissuussatut paasineqassapput. Ilisiviit imaluunniit sannatit ilusilersugaanerat biilimi tamarmi aalajangerlugit inissittarnissaat piimasaqaataanngilaq. Sannavimmi angallassissut tamatuma saniatigut inuussutissarsiummut atatillugu immikkut ilusilersugaasimassaaq. Sannavimmi angallassissut sannavimmi atorneqassaaq, nalinginnaasumillu sannavimmut paarlaallugu atorneqassalluni. Angallassissutit nutserinermut atorneqartut sannavimmi angallassissutaassanngillat.

Immikkut angallassissutini allani assersuutigalugu qamutit motorillit annaassiniutit, biilit ilisinermut atorneqartartut suugaluartut tamarmik pineqarput.

Qamutini motorilinni annaassiniutini paasineqassapput biilit politiit suliassaannut, inummik annaassiniarnermut, ikuallattoornernut, mingutsitsisoornernut, aqqusinermi ajutoornernut imaluunniit ajoqusernerit annertuut pinngitsoortinniarnissaannut atorneqartut, matumani biili akuerineqarluni ikittaqattaartartunik tungujortunik arlalinnik aamma siggartaatinik marloqiusamik nipilinnik pilersorneqarsimappat.

Akigititat

Sannavinni angallassissutinit allatullu immikkut angallassissutinit sulisitsisup sulisunut atugassiissutaannut akitsuutinit akigititat tassaapput:

Qamutit motorillit	Ukiumoortumik akigititaq	Tunngavilersuineq
Sannavimmi angallassissutit	Inuit biiliinut akigititap atuuttup 50 %-ia.	Nammineq biilerisatut arlaatigut atorsinnaanera
Qamutit motorillit immikkut ittut allat	Inuit biiliinut akigititap atuuttup 50 %-ia.	Nammineq biilerisatut arlaatigut atorsinnaanera

Sannavinni angallassissutinit allatullu immikkut qamutinit motorilinnut ukiumoortumik akigititanut akileraaruteqaataasussaq inuit biiliinut tunngatillugu ukiumoortumik akigititap 50 %-ianut

aalajangersarneqarsimavoq, tassalu 2022 aallarnerfigalugu 35.000 kr.-ninut, 17.000 kr.-ninut aamma 8.500 kr.-ninut, qamutit motorillit illoqarfimmi sorlermi atorneqarnerat apeqqutaatinngu, takuuk imm. 1.2. Akigititat tamakku akigititat allat assigalugit assinganik akigititalerlugit siumut naatsorsorneqassapput.

Inatsisinut innersuussinerit

§ 19, imm. 5, oqaaseqatigiit siulliit

1.2.2 Sannavinni angallassissutit allatullu immikkut qamutit motorillit sulisumit angerlarsimaffiup suliffiullu akornanniinnaq angallassinermut atorneqartut

Akigititat

Sannavimmi angallassissut allatulluunniit immikkut qamut motorilik sulisitsup peqqusineratigut angerlarsimaffiup suliffiullu akornanni taamaallaat atorneqarsimappat naleq akileraaruteqaataasussaq inuit biiliinut ukiumoortumik akigititap 50 %-ianut aalajangersarneqassaaq. 2026-mi akigititanik aallaaveqaraanni naleritinneqartoq akileraaruteqaataasussaq 19.146 kr.-ninut, 9.573 kr.-ninut imaluunniit 4.787 kr.-ninut inissinneqartussaassaaq, matumani illoqarfimmi sorlermi qamutit motorillit atorneqarnersut apeqqutaalluni.

Qamutit motorillit	Ukiumoortumik akigititaq	Tunngavilersuineq
Sannavinni angallassissutit imaluunniit allatut immikkut qamutit motorillit taamaallaat angerlarsimaffiup suliffiullu akornanni angallassissutitut atorneqartut.	Inuit biiliinut akigititap atuuttup 25 %-ia. Akigititat akigititat allat assigalugit assinganik akigititalerlugit siumut naatsorsorneqassapput.	Arlaatigut nammeneq biilerisatut atorneqarsinnaavoq, kisiannili sulisitsisumiit killilersuiffigineqarnissaa peqqussutaalluni.

Piumasaqaatit

Akigititap 25 %-inut appaaffiginissaanut piumasaqaatit tullinnguuttuni taaneqartut tamarmik naammassineqarsimassapput.

- Qamut motorilik sannavinni angallassissutinut immikkullu qamutitut motorilinnut imm. 1.2.1-imi taaguutinut naammassinissimassaaq.
- Qamut motorilik angerlarsimaffiup suliffiullu akornanni taamaallaat atorneqassaaq.
- Qamutip motorillip siunertanut allanut atorneqannginnissaa sulisitsisup ingerlaavartumik qulakkiissavaa.

Sulisoq qamutit motorilinnik taakkuninnga atuilluni nammeneerluni allatut angallassisimassappat akileraarutitigut naleritinneqartup appaaffiginissaanut periarfissaarutissaaq, taamaasillunilu imm. 1.2.1-imi akigititat malillugit ukiumoortumik akileraarummik pilersitsissalluni. Appartitsineq ukioq aningaasarsiorfiusoq sannavimmi angallassissutit nammeneq atuiffiunera tamakkerlugu atuutissaaq.

Inatsisinut innersuussinerit

§ 19, imm. 5, oqaaseqatigiit aappaat.

1.2.3 Biilit usisaatit allallu

Biilini usisaatini 4 tonsit qaangerlugit tamakkiisumik oqimaassusilinni nammineerluni atuinerit akileraaruserneqarneq ajorput. Angallassissutit tankiusut, kivittaataasut aserfallatsaaliuinerimullu atorneqartut aamma akileraaruserneqarneq ajorput, qamutimmi motorillit tamakku nammineq biilerisatut allatut atornagit nalinginnaasutut isigineqarput.

Qamutit motorillit	Ukiuhoortumik akigititaq	Tunngavilersuineq
Biilit usisaatit 4 tonsit qaangerlugit oqimaassusillit, tankit angallassissutit, kivitsissutit angallassissutit aamma angallassissutit aserfallatsaaliuinerimut atorneqartut.	0 kr,-t	Nammineq biilerisatut atorneqarsinnaangillat.

Inatsisinut innersuussineq

§ 19, imm. 6

Biilit kivitsissutillit qamutit motorillit ataavartumik aalajangersimasumillu ikkutamik kivitsivilittut taaneqarput. Kivitsissut biilip pingaarnertut atortorivaa.

Biili tankit atorneqartoq qamutit motorillit ataavartumik aalajangersimasumillu ikkutamik tankilittut taaneqarpoq. Biilip tankimik atortulersugaanera biilip pingaarnertut atortorivaa.

Biili iluarsaanernut atorneqartoq qamutit motorillit ataavartumik aalajangersimasumillu iluarsaanermut atortulittut taaneqarpoq. Iluarsaasarnermut atortua biilip pingaarnertut atortorivaa.

1.2.4 Taxa

Inuit namminneq taxaateqarlutik namminersortutut inuussutissarsiutillit ilitsersuummi oqaaseqatigiit sisamaat malillugit akileraartinneqassapput.

Inuk biilimik pigisalik taxaatilinnut ingerlatseqatigiiffimmi aqutsisunut ilaalersimappat pineqartoq direktørinut najoqqutassat oqaaseqatigiinni 1.2-miittut aamma oqaaseqatigiinni 1.3-miittut malillugit akileraartinneqassaaq.

Taxanik ingerlatsisut namminneerlutik taxaateqanngitsut biilimik nammineq atugassamik atugassinneqarsimasut oqaaseqatigiinni 1.2-mi aalajangersakkat nalinginnaasut malillugit akileraartinneqassapput.

Taxanik ingerlatsisut pigaartuunermi biilimik taamaallaat atugassinneqarsimasut taxamik namminneerlutik pigaartuuffimmut pigaartuuffimiillu angallassinissamuinnaq atuisimassappata akeqanngitsumik biileqartitsinermut akileraartinneqassanngillat. Tamanna aamma atuuppoq angerlarsimaffimmut angerlarsimaffimiilu angalassineq pigaartuunnerup nalaani pisimassappat, soorlu ullup-qeqqani unillatsiarnermi.

Piumasaqaatit

- Taxamik ingerlatsisut inunnik allanik nammineertunik (inuit imaluunniit pigisat/nioqqutissat) - tassa immikkut akiliuteqartitsinani - angallaseqqusaanngillat. Tamanna aamma aapparisanik, meeqqanik ilaqttanillu allanik angallassisarnernut atuuppoq.

Taxamik ingerlatsisoq tamatumunnga immikkut akileeqqaarnani nammineerluni taxamik atuisimassappat, tassa inunnik allanik nioqqutissanilluunniit angallassisimassappat, ingerlatsisoq ukioq aningaasarsiorfiusoq ingerlatsisup nammineerluni taxamik atuiffigisaa tamakkerlugu akeqanngitsumik biileqartitsinermut akileraartinneqassaaq. Tamanna inuit kikkut nioqqutissalluunniit suut angallanneqarsimanersut apeqquataatinngit atuutsinneqarpoq.

1.3 Akeqanngitsumik biileqartitsineq - ukiup aningaasarsiorfiusup ilaani atugassiisarneq

Sulisoq ukiup aningaasarsiorfiusup ilaani biilimik akeqanngitsumik taamaallaat atugassinneqarsimappat ukiumut akigititaq sulisitsisup ingerlaavartumik nalunaartussaataitanera atorlugu ammut iluarsiiqqineqassaaq. Tamanna sulisitsisup ukiumut akigititamut akileraaruteqaataasussamut ammut iluarsiinissamut akisussaananik isumaqarpoq.

Ukiumut akigitinneqartoq ukiup ingerlanerani sulisup biilimik akeqanngitsumik atugassinneqarfiani ullut amerlassusaat aallaavigalugit naatsorsorneqarpoq. Biilimik ataavartumik arsaarinnittoqarsimassappat atugassiisoqarneranut ulloq atorunnaarfik aallarnerfigalugu ukiumut akigititap akileraaruteqaataasussap akileraaruserneqarnera unissaaq. Biilimik ataavartumik arsaarinninneq assersuutigalugu nuunnerni imaluunniit suliffimmi atugassarititanik allanngortoqarnerani pilersarpoq.

Assersuut: Sulisoq Nuummi najugalik assersuutigalugu piffissami januaarip aallaqqaataaniit maajip ulluisa pingajuat tikillugu biilimik akeqanngitsumik atugassinneqarsimappat, kisiannili biilimik akeqanngitsumik arsaarneqarsimappat, 2026-mut aningaasat akileraaruteqaataasussat 76.588 kr.-niusunit ullunut 123/365-nut naatsorsorneqassapput. = 25.809 kr.-nit. Sulisitsisoq januaarimiit maaji ilanngullugu nassuiaatini nalemik akileraaruteqaataasussamik ilanngussissaaq, aningaasallu akileraarutit A-nik akileraarusernissaannik qulakkeerinnissalluni.

Piffissani sivikinnerusuni atugassiinerup unitsinnissaanut piumasaqaatit

Feeriartoqarnerani, atorffimmut atatillugu angalasoqarnerani il.il. atugassiinerup unitsinnissaa taamaallaat sulisup biilimik matuersaatinillu suliffeqarfimmut sulisumulluunniit allamut tunniussaqaarneratigut pisinnaavoq. Atugassiineq sulisumut allamut tunniunneqarpat tamanna inummi pineqartumi atugassiinerup akileraarutigineratigut uppersarneqarsinnaasariaqarpoq.

Assersuut: Sulisoq A angalatillugu sulisitsisumut isumaqatigiissuteqareernikkut biilimik suleqammut B-mut tunniussissaaq. Piffissami A-p feeriarnerani akeqanngitsumik biileqartitsinerup nalinganut sulisitsisoq B-mut akileraartississaaq.

Ilaannakortumik siamasissumilluunniit atuisinnaatitaasoqarnerani (soorlu biilimik avitsinermut

aaqqissuussinermi) sulisut pineqartut akiliutissaat biilip atugassiissutaaneranut ukiumut akigititaasoq 1/365 atorlugu ullormut naatsorsuiffiqeqassapput, tassalu pineqartuq biilimut taassumalu matuersaataanut periarfissaqartillugu. Ilaannakortumik atuisinnaatitaaneq sulisut arlallit akornanni avinneqarsinnaavoq, tassalu uppersaatissaq eqqortoq pigineqarsimappat. Tamatumani sulisup ulluinnarni biilimik atuisarneranut immersuiffissaq assersuutaasinnaavoq. Taamaasilluni atuneq suugaluartoq sulisup pineqartup sulisulluunniit arlallit qaammatikkaartumik nassuiataanni akeqanngitsumik biileqartitsinertut akileraaruserneqassaaq.

Assersuut: Suliffeqarfik Sisimiuniittoq biilimik ingerlatsinermut atorineqartussamik ataatsimik arlalinnilluunniit pigisaqarpoq. Biili biililluunniit matuersaataat sikaavimmi boksamiluunniit parnaaqqasumi nivingapput. Sulisut matuersaatinut isersinnaasut matuersaammik attartorsimatillutik immersuiffimmut allassapput, matuersaallu tunniunneqareerpat assinganik immersuiffimmut allallutik. Sulisoq A 2026-mi februaarimi biilimut matuersaammik ulluni pingasuni tigummiqarsimanini pillugu immersuiffimmut nalunaarsuivoq, sulisorlu B biilimut matuersaammik ulluni arfineq-marlunni tigummiqarsimalluni nalunaarpoq. Sulisitsisoq qaammammut nassuiaatinut tunngatillugu sulisup pineqartup biilimik ullukkaarlugu atuisarneranut naatsorsuusiussaaq. Taamaammat A 2026-mi februaarimi imatut akileraartinneqassaaq: $3/365 * 76.588 = 629$ kr., B-lu imatut akileraartinneqassalluni: $7/365 * 76.588 = 1.469$ kr.

Direktørinulli tunngatillugu tamanna atuutinngilaq, tassami direktørpiffissani biili allanut tunniutinngikkaluarlugu akileraaruteqaataasussanngortinngikkaluarlugulu biili imminut atugassanngortissinnaassanngilaa. Direktørinut akeqanngitsumik biileqarnissamut periarfissalinnut tunngatillugu sulinngitsoornernut imaluunniit ilaannakortumik atuinernut annikillisaanani ukiumut akigitinneqartoq malillugu akileraarusiisarnissap ingerlattarnissaa nalinginnaasumik aallaaviusussaavoq. Sulisumut akeqanngitsumik biileqartitsinerup atugassiissutaanissaata pitsaasumik pinngitsoortinniarnissaanut tunngatillugu matuersaatinik biilimillu tunniussinerit direktørpiffi tungaaniit biilimik imminut tunniussinertut isigisariaqarnissaa Akileraartarnermut Aqutsisoqarfiup suleriaaserivaa.

Direktørinut allanullu tunngatillugu akileraartitsisarneq taamaallaat sulisoq alla akileraartinneqarpat annikillisarneqarsinnaasoq taamaasilluni atuutsinneqarpoq.

Suliffeqarfik arlalinnik direktørinik sulisoqarsimassapput taakkua aallaqqanerni imaluunniit biilimik avitsinissami atugassiisoqarnissaa pillugu ataqeqatigiilluni, allakkatigut isumaqatigiissusiorsinnaanissaat periarfissaassaaq, taakkualu massakkut atugassiissutaasumut ilimagisaqannginnerup uppersarnissaa anguniarlugu angallassinermut naatsorsuutitut tapersersuisinnaasariaqassapput. Tamatuma saniatigut akileraartussaataaneq allamut nuunneqassaaq.

Inatsisinut innersuussinerit

§ 19, imm. 7, oqaaseqatigiit siullit:

1.4 Pingaarnertut malittarisassamut immikkut malittarisassat - aggersarneqarluni pigaartuuneq

Nassuiaatit

Aggersarneqarluni pigaartuunissaq sulisoq pigaartuunerup nalaani angerlarsimaffimminiit najugaqarfinnut ilisimanngisanut aggersarneqarpat pigineqalissaaq. Najugaqarfiit ilaannut tunngatillugu tamanna illoqarfimmi suliffiugallartunut ilisimariinngikkanut aggersarneqarsinnaanissamik paasineqassaaq. Najugaqarfiit tamakku

ilisimasarnissaat aalajangiisuussanngilaq, najugaarfiilli ima amerlatigipput najugaqarfippassuit aggersaaffigineqartut assiginngitsut suunersut ornissanerlugit ilisimaneqarsinnaaneq ajorluni.

Suliffik nalinginnaasumik atorneqartoq taaguusersuummut 'najugaqarfiit ilisimaneqanngitsut' ilaatinneqanngilaq, tamanna aamma atuuppoq sulisitsisoq illoqarfimmi najugaqarfinnik arlalinnik nalunaarsorneqartunik najugaqarsimagaluarpalluunniit.

Akigititat

Sulisunut pigaartuunermi aggeqquneqaratarsinnaasunut atatillugu angerlarsimaffiup suliffiullu akornanni biilerneq akileraaruserneqarneq ajorpoq.

Qamutit motorillit	Ukiu moortumik akigititaq	Tunngavilersuineq
Pigaartussatut aggersaanerni biili akeqanngitsumik atugassiissutigineqartoq	0 kr,-t	Sullissisoqarnissaa angerlarsimaffimmut allakkatigut peqqussutigineqarpoq.
Pigaartussatut aggersaanerni sulisunut sannavimmi angallassissutit qamutillu motorillit immikkut ittut	0 kr,-t	Sullissisoqarnissaa angerlarsimaffimmut allakkatigut peqqussutigineqarpoq.

Piumasaqaatit

Akigititaq 0 %-imut annikillisinnaaniarlugu piumasaqaatit tullinnguuttut tamarmik naammassineqarsimassapput:

- Aggersarneqarsimaneq aggersarneqarsimannginnerluunniit apeqqutaatinagit aggersarneqarluni pigaartuunissamut sulisoq immikkut ittumik akissarsiaqartinneqassaaq.
- Atorfeqartoq aggeqquneqaratarsinnaanerup atuuffiani nammineq inuttut inuunermini killilersuuteqartitsinissaanik piviusumik peqquneqassaaq.
- Taamatuttaaq piviusumik pisussaaffeqarneq pineqassaaq. Sulisoq suliartortussaataitanermik allattuiffimmi tullermiittumut tunniussiinnarsimatillugu oqarasuaatikkut periarfissaqartitsineq tassunga atatillugu aggersaalluni pigaartuunertut isigineqanngilaq.
- Sulisitsisoq sulisup angerlarsimaffiup suliffiullu akornanni biilertarnissaanik allakkatigut peqqusisimavoq. Allakkatigut peqqussuteqarneq sulisup biilimik piginnittuuneranup uppersaataatissatut nassuiarneqarpoq. Assersuutigalugu mailikkut, allakkatigut attaveqarnikkullu.
- Sulisoq aggersaalluni pigaartuunerup nalaani allamik nammineerluni ingerlatsisussamik nassaaqqusaanngilaq.
- Allakkatigut peqqusinerit eqqortinneqarnerannut sulisitsisoq nakkutilliisoqartarnissaanut tamatigut akisussaavoq.

Assersuut: Sulisoq sapaatip akunnerata naanerani aggersarneqarluni pigaartuusoq sapaatip akunnerata naanerani piniariarluni aallarpoq, pineqartorlu taamaasilluni takuneqarsinnaajunnaarpoq. Naallu sulisoq qaqqami biilimik atuinngikkaluartoq pineqartoq sulis biilimik atugassinneqarpoq. Taamaalinerani aggersaalluni pigaartutut akileraarusiisoqarnissaanut akigititamik annikillissamik sulisoq annaasaqassaaq, tassami sulisoq piffissap sivikitsuinnaap iluani pissarsiarineqarsinnaanaviannngilaq.

Akigititaq annikillisaq ullunut sulisup pigaartussatut aggersarneqarluni suliartoqqusaaneraniinnaq atuutissaaq.

Assersuut: Nuummi sulisoq assersuutigalugu ukioq naallugu biilimik atugassinneqarsimatillugu, kisiannili ukiup aningaasarsiorfiusup ingerlanerani ulluni 30-ni pigaartuusussatut aggersarneqarsimatillugu 2022-mi akigititaq akileraaruteqaataasussaq assersuutigalugu imatut naatsorsuiffigineqassaaq: 70.000 kr.-nit ullui 335/365-nut = 64.246 kr.-nit.

Direktørinut, pingaarnertut piginneqataasunut allanullu akeqanngitsumik biileqartitaasunut tunngatillugu akileraartitsinerup aggersaalluni pigaartuunermut appartitsinngikkaluarluni ukiumut akigititaq malillugu ingerlannissaa aallaaviusussaassaaq. Tamatumunnga direktørit, pingaarnertut piginneqataasut allallu nammineerlutik suliffisaminnut nassuiaanissamut periarfissaqarnerat pissutaavoq. Direktørip taamaasilluni aggersaalluni pigaartuunissami biilimut atugassiissutaasumut akileraarnissaq pinngitsoortussaassanngilaa, matumani biilip nammineerluni atoqqusaannginneranut imminut isumaqatigiissusiorfiginikkut.

Taamaattorli direktørit, pingaarnertut piginneqataasut allallu aggersaalluni pigaartuusarnissanut akileraarutiniq millisaaffigineqarsinnaassapput, matumani direktøri sulisut allat assigalugit allakkatigut aalajangersimasumillu aggersaalluni pigaartuusarnissanut pilersaarummut ilaalersimappat. Tamanna qamut motoorilik suliffeqarfiup pigisaa atorlugu nammineerluni bilertarneq pillugu ilmagisaqarnermik atorunnaarsitsissaaq.

Atorfeqartoq ukiup ingerlanerani pigaartutut aggeqquneqaratarsinnaanermi nalaani ataasiaannarluni namminerisaminik bilersimaguni oqaaseqatigiinni 1.2-mi imaluunniit 1.2.1-imi ukiumut akigititaq malillugu akileraarunnaarnissaq unissaaq akileraarnermillu aallartitsilluni. Sulisup aggersaalluni pigaartuunerup nalaani namminerluni allatut bilersimassappat akileraartitsineq ukioq aningaasarsiorfiusoq tamakkerlugu atuutissaaq.

Inatsisinut innersuussinerit

§ 19, imm. 8 aamma 9

1.5 Nammineerluni akiliuteqartarneq

Sulisoq biilimut piginnittussaataaernerut sulisitsisumut akiliuteqartarpat ukiumut akigititaq akileraaruteqaataasussaq aningaasat akilernerqartut atorlugit appartinneqassaaq. Akileraarummik appartitsineq ukioq tamaat isigigaanni akileraartarnermut tunngaviliunneqartumiit qaffasinnerusinnaassanngilaq. Tamanna isumaqarpoq akeqanngitsumik biileqartitsinerut ukiumoortumik akileraarusiineq tamarmiusoq sulisumut tunngatillugu 0 kr.-nimit minnerusussaanngitsoq.

- **Assersuut:** Sulisoq 2026 naallugu biilimik nammineerluni atuinerminut sulisitsisumut qaammammut 500 kr.-ninik akiliuteqartarpoq. Naleq sulisitsisup akileraartitsissutigisassaa 76.588 kr.-niuvoq, 12x500 kr.-nit ilanngaatilugit = 6.000 kr.-nit. = 70.588 kr.-nit.

Piumasaqaatit

Nammineerluni akiliutigineqartut ukiumi aningaasarsiorfiusumi pineqartumi ingerlanneqarsimassapput, ukiorlu taannaavoq akileraarusiinerit ingerlanneqarfigisimasassaat. Ilanngullugulu aningaasanut akileraaruserneqartunut nammineerluni akiliutigineqartut sulisitsisumut toqqaannartumik akilernerqarsimassapput. Sulisitsisoq taamaasilluni nammineerluni akiliutissanut aningaasartassat isumaqatigiissutaasut pisariaqarpat akilernissaat

sioqqullugu akileraarutini A-nik nalinginnaasumik akileraartitsisinnaassaaq.

Sulisitsisoq sulisup nammineerluni akiliutigisartagaanut arlaatigut nalinginnaasumik naatsorsuusiussaaq.

Sulisoq iluarsaasarnissanut imaluunniit ikummatissanut biilimut toqqaannartumik atassutilinnik aningaasartuueqarsimassappat aningaasartuutitut tamakkununga uppersaatissat sulisitsisumut toqqaannartumik tunniunneqassapput, sulisitsisullu akeqanngitsumik biileqartitsinerup akileraarusernissaanut naatsorsuutini atussavai.

Inatsisinut innersuussinerit

§ 19, imm. 7-imi oqaaseqatigiit aappaannut

2. Kalaallit Nunaata avataani akeqanngitsumik biilnik atugassiisarnerup akileraaruserneqarnera

Biilnut sulisumut Kalaallit Nunaata avataaneersumut atugassiissutigineqartunut malittarisassiornerit biilnut § 19-imiittunut atuutinngillat. Qamutitik motoorilinnik sulisitsisumiit Kalaallit Nunaata avataaneersumiit atugassiissutigineqartunik nammineerluni atuinerit 2025 aamma 2026-mi km.-erimut 5.00 kr.-ninut angissusilerneqarput. Akigitinneqartoq Akileraartarnermut Aqutsisoqarfiup nalunaarutaani ukiumoortumik aalajangersarneqarpoq. Tassunga tunngatillugu nalunaarut nr. 165, 6. oktober 2025-meersoq ukiumut aningaasarsiorfiusumut 2026-mut tunngasoq takuuk.

Sulisup biilernerimut naatsorsuutitik uppersarneqarsinnaasunik tunniussinissaata aammalu aningaasat akileraaruteqaataasussat nalunaarutiginissaasa qulakkeernissaannut sulisitsisoq pisussaaffeqarpoq. Tamanna pisinnaassanngippat Akileraartarnermut Aqutsisoqarfik missingiissaaq.

Sulisooq aallaaviatigut akigititanik Naalakkersuisut ajunngitsorsiassat akigititatigut naleqqussaafiginissaat pillugu ukiumoortumik nalunaarutaanni takuneqarsinnaasunik akileraartinneqassaaq, tamakkualu akeqanngitsumik Kalaallit Nunaata avataani sulisunut atugassiissutigineqarsinnaapput.

Biilernissamut atuagaq pingaarnertigut makkuninnga imaqassaaq:

- Sulisup aqqi tamarmik
- Nammineq najugarisaq
- Inuup normua aamma/imaluunniit sulisup normua

Biilernerimut nalunaarsuinerni ataasiakkaani ingerlaavartunilu sulisooq makkuninnga erseqqissaateqassaaq:

- Ulloq
- Sumiiffik aallartiffik naaffillu (najukkanut imaluunniit GPS-imi sumiiffinnut erseqqissarlugu)
- Anguniagassat ilaat (pisariaqassappat)
- Kilometerit angalaarfiusut tamarmiusut (aallarnermi uninnermilu kilometerinut kisitsivimmi erseqqissarlugit)
- Biilernerimi siunertaq

3. Sulisitsisup pisussaaffii

Sulisitsisoq qaammammut siulianiittumut tunngatillugu qaammatikkaartumik sulisitsisunut nalunaarsuiffimmut Sulinal-imut aningaasarsianik A-nik, akileraarutitik A-nik aamma AMA-nik nalunaaruteqartassaaq. Akeqanngitsumik biileqartitsinerup akileraaruserneqarnera www.AKA.gl-imi akigititat ukiumut aalajangersarneqartut malillugit naatsorsuiffigineqassaaq, tamannalu Sulinal nanoq.gl-imi qaammammut nalunaaruteqartarnermi sulisup aningaasarsiaasa A-t ilaattut taaneqartassalluni.

Sulisitsisoq sulisup akeqanngitsumik biilimik atugassinneqarneranut tunngatillugu akigititani atuuttuni paasisaqarsimassaaq, eqqortumik akiliuteqartoqarneranut qulakkeerinnissaaq naatsorsuusiorlunilu.

Sulisitsisoq taamatuttaaq sulisup biilernermit atuagaanik misissuisarnissamut akisussaavoq, assersuutigalugu Kalaallit Nunaata avataani biilernermi. Akeqanngitsumik biileqartitsinermit nammineerluni biilernermit, tassani sulisoq aggersaalluni pigaartuunissaaq pissutigalugu akileraarnissamut pisussaaffeerusimatillugu, tamatumunnga nakkutillissalluni sulisitsisoq pisussaaffeqarpoq, soorlu tamatumunnga pisariaqarpat akileraannginnissap atorunnaarsinnissaa kiisalu akileraarutinit A-nik eqqortumik nalunaartarnissaaq akiliuteqartarnissarlu.

4. Namminersorluni inuussutissarsiutilik

§ 19 namminersorluni inuussutissarsiutilinnut biilimik nammineerluni inuussutissarsiummullu atatillugu atuisunut atorneqarneq ajorpoq. Taamatut akuleruussilluni atuisoqarnerani nammineerluni angallassinertup inuussutissarsiummullu atatillugu angallasinerup akornanni missingerlugu agguataarisoqassaaq.

Qamutinit motorilinnut aamma nammineerluni atorneqartunut aningaasartuutinngortut nammineerluni inuussutissarsiutilinnut tunngasunut ilanngaateqartitsisoqarsinnaavoq. Aningaasat ilanngaatigineqarsinnaatitaasut biilimut angallassinermullu tunngatillugu toqqaannartumik inuussutissarsiummut tunngatillugu toqqaannartumik atorneqartut ilaannut atuuppoq. Aningaasartuutinngortut nammineerluni nalunaarsuinermit naatsorsuutinillu Akileraartarnermut Aqutsisoqarfimmut nassiussinermit atatillugu uppersarneqassapput.

Tassunga atatillugu pigisat nammineerluni inuussutissarsiutinullu siunertanut atorneqartut akileraarusiiffiginissaat pillugu malittarisassanut aamma innersuussisoqarpoq. Ingerlatsinermit aningaasartuutinit ilanngaatit pisariaqarsimappallu nalikilliliinerit taamaallaat biilip inuussutissarsiummut atatillugu qanoq atorneqartiginera naapertorlugu suliarineqarsinnaapput.

Ingerlatsinermit aningaasat nalunaarutiginissaannut immersuiffissaaq, taakkununga biilit nammineerluni inuussutissarsiummullu atorneqartut ilanngullugit, www.AKA.gl-imi nassaassaavoq.

5. Biilimik nammineq pigisamik sulisitsisup sullinnerani atuisarneq

Suliffeqarfik sulisitsisumut sullissinermit namminerisamik biilimut sulisumut akiliussisimassappat ajunngitsorsiasat sulisumut tunngasut akileraaruteqaataasussaassapput, takuuk aningaasarsianit akileraarutit pillugit inatsimmi § 13, imm. 1. Tamanna ajunngitsorsiasat qaammammut aalajangersimasumik tunninneqartarnersut imaluunniit ingerlaarnermi ataatsimi kilometerimut assigisaattulluunniit tunniunneqartarnersut apeqqutaatinngu atuutsinneqarpoq.

Suliffeqarfiit aningaasarsianit akileraarutit pillugit inatsimmi § 24, imm. 1, nr. 1 naapertorlugu ajunngitsorsiasanut tunniunneqartunut ilanngaateqarsinnaapput. .

Sulisup ilanngaateqarsinnaatitaanera Akileraartarnermut Aqutsisoqarfiup nalunaarutaani nr. 89, 8. august 2015-imeersumi nassuiaaffigineqarpoq.

-

Sulisoq biilip nalikillilerneqarnissaanut pisinnaatitaaffeqanngilaq.

Akileraartarnermut Aqutsisoqarfik

Nuuk, ulloq 19. januaari 2026



Morten W. Selvejer

Ilanngussaq 1 - Takussutissianut tabeli

2022-mut aamma 2025-mut ukiumoortumik akigitant takussutissianut tabeli

Biilit suussusaat Nunap immikkoortuani sorlermi	Biilit suugaluartut sannavinni angallassiss utit/qamutit motoorillit immikkut ittut angallassiss utillu usisaatit 4 tons sinnerlugit oqimaassusi llit ilanngunnagi t	Biilit tamarmik	Sannavinni angallassissutit / qamutit motoorillit immikkut ittut			Angallassissut it usisaatit 4
		Pigaartuusussat ut aggersarneqarne rmut atatillugu taamaallaat angerlarsimaffiu p suliffiullu akornanni angallassinermu t atorneqarsinnaa sut	Akuleriissillu gu nalinginnaasu mik nammineerlu ni angallassineri t	Angerlarsimaffi up suliffiullu akornanni angallassinermu taamaallaat atorneqartut	Aggersarneqarl ni pigaartuunerup nalaani angallassisarne q, takuuk § 19, imm. 9	tonsit sinnerlugu oqimaassusilli t Angallassissut it tankiusut, kivitsissutaas ut aserfallatsaali uiner Mullu atorneqartut
Aqquserngup takissusaa 75.000 m2 takinerusorluunniit; Qaqortoq, Narsaq, Nuuk, Sisimiut, Aasiaat, Ilulissat	70.000 kr,-t (2026-mi akigititaq 76.588 kr.)	kr. 0	35.000 kr. (2026-mi akigititaq 38.293 kr.)	17.500 kr,-t (2026-mi akigititaq kr. 19.146)	kr. 0	kr. 0
Aqquserngup takissusaa 25.000 aamma 75.000 m2-it akornanni Nanortalik, Paamiut, Maniitsoq, Qasigiannnguit, Qeqertarsuaq, Uummannaq, Upernavik, Tasiilaq.	35.000 kr,-t (2026-mi akigititaq 38.293 kr.)	kr. 0	17.500 kr,-t (2026-mi akigititaq kr. 19.146)	8.500 (2026-mi akigititaq 9.574 kr.)	kr. 0	kr. 0
Aqquserngup takissusaa 25.000 m2-nik naannerusoq; Kangaatsiaq, Qaanaaq, Ittoqqortoormiit	17.000 kr. (2026-mi akigititaq kr. 19.146)	kr. 0	8.500 (2026-mi akigititaq 9.574 kr.)	4.250 kr,-t (20265-mi akigititaq 4.787 kr.)	kr. 0	kr. 0

Paasissutissaq: Ukiumoortumik massakkut akileraartarnermi akigititat Akileraartarnermut Aqutsisoqarfiup nittartagaani AKA-gl-imi 'nalunaarutit' ataani nassaarikkrit.

Ilanngussaq 2 - § 19

Inatsisartut inatsisaat nr. 12, 11.02.2006-meersoq, ulloq 2007-01-01 aallarnerfigalugu atuuttoq, ulloq 2025-01-01 aallarnerfigalugu ataatsimut allattorneqartoq

§ 19. Aningaasarsiat akileraaruteqaataasussat naatsorsorneranni biilip, akileraartartup sulisitsisuminit atorfinitsitaanerminut allatulluunniit ikiuulluni sulinissaminik isumaqatigiissuteqarnerminut atatillugu privatimik atorsinnaasaata nalinga ilanngunneqassaaq, tak. imm. 2-8. Tamanna aamma atuuppoq inunnut siulersuisuni, ataatsimiititaliani, kommissionini, siunnersuisooqatigiinni, immikkut qinikkani allatulluunniit ataatsimoorfiusuni, tamatumani ilanngullugit Naalakkersuisunut, Inatsisartunut kommunalbestyrelsinullu ilaasortatut qinerneqarsimasunut tamakkunungaluunniit ikiortaasunut.

Imm. 2. Illoqarfik biilip privatimik atorneqarfia 75.000 kvadratmeterisut annertutigisumik annertunerusumulluunniit aqqusineqarpat, biilip imm. 1-imi pineqartup akileraarutigut nalinga ukiumut 70.000 kr.-ninut (2022-mi qaffasissuseq) angissusilerneqassaaq.

Imm. 3. Illoqarfik biilip privatimik atorneqarfia 25.000 kvadratmeterinit 75.000 kvadratmeterillu akornanni annertutigisumik aqqusineqarpat, naleritinneqartoq, imm. 2-mi taaneqartutut, 35.000 kr.-ninut (2022-mi qaffasissuseq) appartinneqassaaq.

Imm. 4. Illoqarfik biilip privatimik atorneqarfia 25.000 kvadratmeterit inorlugit annertutigisumik aqqusineqarpat, naleritinneqartoq, imm. 2-mi taaneqartutut, 17.500 kr.-ninut (2022-mi qaffasissuseq) appartinneqassaaq.

(aaqq.). Imm. 2-4 Inatsisartut inatsisaanni nr. 11/2021-meersumi allanneqarput.

Imm. Biilit sulliviittut aaqqissukkat biilinillu immikkut sanaajusunik allanik privatimik atuineq angissusiliussat imm. 2-miit 4-mut taaneqartut affaannut annertussusilerneqassaaq. Qamutit motoorillit tamakkua, sulisitsisumiit allakkatigut peqqusinerit kingornagut, angerlarsimaffiup suliffiullu akornanni angallassinerinuinnaq atorneqarsimappata imm. 2-4-mi akigitat taaneqartut malillugit 1/4-mut angissusilerneqassapput.

Imm. 6. Lastbiilini 4 tonsit sinnerlugit oqimaassusilinnik kiisalu biilini tankiminni usisartunik, kranini kivitsissutinik aammalu eqqaasut biilini privatimik atuineq akileraaruserneqartussaangilaq.

Imm. 7. Biilit ukiup ilaannaani atugassaritinneqarpata nalingat akileraaruteqaataassussaq ullunik biilini atuiffiunngitsunik ilanngarlugu appartinneqassaaq. Akileraartussaataasooq biilit atorsinnaanerminut akiliuteqarpat, nalinga akileraaruteqaataasussaq aningaasanik akiliutigineqarsimasunik ilanngarlugu appartinneqassaaq.

Imm. 8. Sulisitsisup allaganngorlugu peqqussutigisimappagu akileraartussaataasooq suliartoqquneqarnermini biilini atuissasooq, akileraartussaataasup angerlarsimaffimmi

suliffimmilu akornanni biilimik atuinera privatimik atuineranut isigineqassanngilaq, aatsaalli akileraartussaataasup suliartoqquneqarsinnaanermi nalaani biilit privatimik atugassarinnippagit.

Imm. 9. Qamutit motoorillit imm. 5-imi taaneqartut atorlugit angerlarsimaffiup suliffeqarfiullu akornanni angallassinert akileraartussaataasup namminerisamik atuinerattut isigineqanngillat, matumani sulisitsisup aggersarneqariataarsinnaanermut atatillugu taamatut biilernissaq akileraartussaataasumut allaganngorlugu piumasaqaatigisimappagu.

§ 19 c. Ukioq aningaasarsiorfiusoq 2023 aallarnerfigalugu § 19, imm. 2-4-mi, § 19 a, imm. 2, nr. 1-2-mi aamma § 19 a, imm. 4-6-imi naleritinneqartut akigititanut naleqqussaasarnermut procenti atorlugu malittarisassiorneqassapput. Naleritinneqartut kr.-ninut ilivitsunut qaninnernut ammut appartinneqassapput. Akileraartarnermut Ingerlatsivik ukiumut aningaasarsiorfiusumut akigititanut atuuttunut ukioq aningaasarsiorfiusoq akigititat atuuffigisaat sioqqullugu ukiumi qaammatisiuteqarfiusumi kingusinnerpaamik ullormi 10. oktober ukiumoortumik nalunaaruteqassaaq.

(aaqq.). § 19 c Inatsisartut inatsisaannut nr. 11/2021-meersumut ilanngunneqarpoq. Oqaaseqatigiit siulliit Inatsisartut inatsisaanni nr. 72/2023-meersumi oqaasertalerneqarput.